

大竹縣志卷四十五

古帝王志

蠶叢故都雄冠九有漢以龍興唐以猗走伊古宥渠  
西巴僻奧紫雲不來鸞旂罕到緬維勝國乃有惠皇  
緇流出逖轉遜窮荒亢龍爲魚伏虎成鼠一代君臣  
空山鐘鼓作古帝王志

大竹縣

明惠帝

帝諱允炆太子標之子也洪武二十六年標薨太祖

大竹縣志

卷三十五

古帝王

立帝爲皇太孫三十一年太祖崩帝卽位岳池教諭  
程濟上書言北方兵起期在明年某月日帝以爲妖  
妄將誅之濟曰且國臣不驗死未晚乃囚濟於獄建  
文元年秋七月燕王棣舉兵反帝擢程濟爲編修遣  
長興侯耿炳文討之八月炳文及棣戰於滹沱河北  
敗績召還以李景隆代之十一月景隆及棣戰於鄭  
邨垣敗績奔德州二年夏四月戰於白溝河敗績復  
奔德州五月棣陷德州進攻濟南秋八月都督盛庸  
參政鐵鉉擊敗棣兵於濟南復德州十月召景隆還

不誅十二月盛庸大敗棣於東昌斬其將張玉棣迺  
還三年三月盛庸敗棣於夾河斬其將譚淵日暮斂  
兵棣以十餘騎逼庸營野宿及明起視已在圍中而  
帝先有詔勿使朕負殺叔父名故倉卒間將士相向  
彎弓而不敢發矢棣乃得從容引馬鳴角穿營而去  
也明日復戰庸敗績先是棣反以靖難名師請清君  
側帝既聞庸敗大懼貶齊泰黃子澄詔棣罷兵棣不  
奉詔冬十二月棣大舉南犯四年春正月命魏國公  
徐輝祖帥師禦之夏四月輝祖連敗棣兵於淮北帝

大竹縣志

卷三五

古帝王

二

訛聞燕兵已北召輝祖還五月棣遂渡淮陷楊州六  
月渡江犯京師帝請和不許攻金川門守者谷王穗  
及李景隆望見棣麾蓋關門迎降京師陷帝欲自裁  
程濟勸止內官昇太祖遺篋至囑大難當啓四圍及  
鎖俱灌鐵帝大慟碎篋得度牒三張曰應文應能應  
賢袈裟帽鞋剃刀各備白金十錠篋內朱書應文從  
鬼門出餘從水關御溝行薄暮會於神樂觀帝曰數  
也濟遂爲帝披剃楊應能爲應能葉希賢爲應賢各  
易衣祝髮縱火焚大內皇后馬氏赴火死棣於火中

出后屍詭云是帝泣曰癡兒何至此遂自立帝既出殿中五六十人俱痛哭願隨帝帝謝去止九人從至鬼門一舟艤岸爲神樂觀道士王昇見帝叩稱萬歲曰臣固知陛下之來也疇昔高皇帝見夢令臣至此乃乘舟至觀已薄暮而應能應賢等至從者共廿餘人侍郎廖平曰諸臣俱願從然人多跡著反不便遂約不去左右者三人應能應賢稱比邛程濟爲黃冠道路給運者六人爲塞馬先生補鍋匠等其餘諸臣各關會帝行跡所在以時去來倏離倏合無有常也

約既定帝將往滇依西平侯史彬曰且止於是更歷名勝至吳江主彬家會偵者至帝去吳江至廖平家偵者又至乃入滇後復去滇入吳再至史彬家彬爲帝易衣履帝遊兩浙至天台雁蕩會馮灌金焦亦來石梁間且云諸臣俱約至此帝固辭諸臣不見而去遂入黔由黔入蜀至渝先是程濟在岳池悉知竹地幽僻帝在渝近一載遂導帝來至善慶里喜其地四山環繞居民渾樸遂謀居之里中隱士杜景賢構寺奉帝兼納諸亡臣帝素尊養不慣粗糲居既定程濟

史彬雲門僧馮翁補鍋匠等皆往來他省棄職舊臣家稍獲貲物以供帝故副都御史王友德亦回籍變產盡攜貲來以助不給居數年跡漸著遠近頗詫異濟等恐洩遂奉帝去竹遍遊蜀中諸勝登峩眉復入黔遁跡白雲山結廬深谷人跡不到又時往來廣西雲南諸寺時從臣如史彬應能應賢等俱已物故惟程濟與王友德侍濟精術數數免帝於厄一日謂帝曰可以歸矣遂登官府堂南面趺坐自白曰胡濙名訪張獵傷實爲我問所欲帝曰願送骸骨歸故土耳

大竹縣志

卷三五

古帝王

四

乘傳至京寓大興隆寺時帝位已三易朝廷命舊侍吳亮往驗帝曰我昔御便殿食子鵝遺片肉於地汝伏地飮之今遽忘耶亮大哭復命歸縊死於是遜帝入大內稱老佛以壽終葬西山不封不樹題曰天下大師之墓

按諸外紀但稱帝至淪至峩眉不知帝在竹乃數年也

國初孝廉王以暉作竹陽紀畧言帝在竹情事甚詳確又鄉先生王旌有善慶里山寺懷古詩首云白雲護招提帝子逃禪處旌明正德間人貴州開州牧嘗師事王陽明於龍場驛者其時去建文未遠又從亡舊臣王友德之後觀其詩則帝之至竹益可信矣全詩見藝文志